

SCRIPT OF EVENING GOJRI NEWS BULLETIN 10JAN 2026

1700HRS

ایوننگ گوجری نیوز بولٹین 10 جنوری 2026

یوہ آکاشوانی جموں بے نصرت چودھری تے طارق ابرار تیں خبر سَنو۔

HEADLINES

- ۱۔ ڈرون نال سٹیو گیو ایک اسلحہ غو پیکٹ سانہ مانہ بین العقوامی سرحد غے قریب تیں برآمد کیو۔
- ۲۔ مغل سڑک شدید برف باری غی وجہ تیں بند ہے تے بی آر او دن رات برف ہٹان غو کم کررئی ہے۔
- ۳۔ چیف سیکرٹری اٹل ڈلو نے جموں کشمیر مانہ نوی سہولتاں، کالجاں تے اسپتالان غے نال آیوش خدمات نانہ بدھان غی حمایت کی۔
- ۴۔ جموں صوبہ غی تمام بڑی نہر تے اُن گا تقسیم غو نظام سالانہ صفائی تے دیگر کمان واسطے 15 جنوری 2026 تیں بند کی جیں غی۔
- ۵۔ بہگوتی نگر جموں غا تھیم پارک مانہ دنیا غی مشہور 14 یادگاری نمونہ نمائش واسطے رکھیا جیں گا۔

DRONE ARMS

پولیس غے مطابق پاکستان غی طرفوں ڈرون غے ذریعے گرایا گیا، اسلحہ غو ایک پیکٹ سامہ ضلع مانہ بین العقوامی سرحد غے قریب تیں برآمد کیو گیو ہے۔ اطلاع لبی تھی کہ سرحد پار تیں ایک ڈرون آیو تھو۔ تلاشی غے دوران ندی غے کنارے تیں ایک پیکٹ لبو، جس نانہ کھولن تیں بعد اس وچوں دو پستول، تیرے میگزین، سولہ کارتوس تے ایک گرینڈ لبو ہے۔ یوم جمہوریہ غی تقریبات نانہ پُر امن بنان واسطے سخت حفاظتی بندوبست غے دوران یاہ برآمدگی ہوئی ہے سرحدی حفاظتی دستہ تے جموں کشمیر پولیس غا، ایس۔اوجی نے گزشتہ رات غگوال غا پلوارا گراں مانہ تلاشی مہم شروع کی، جس دوران یوہ برآمد کیو گیو۔

MUGHAL ROAD CLOSED

مغل سڑک جہڑی کشمیر نانہ پونچھ، راجوری ضلع نانہ جوڑے، پاری برف غی وجہ تیں عارضی طور ور نقل۔و حمل واسطے بند کردتی گئی ہے، بی۔آر۔او غا اہلکار سڑک نانہ صاف کرن غو کم تیزی سنگ کرربیا بین تانجے اُن آلا دناں مانہ سفر نانہ محفوظ بنايو جاسکے۔ پیر پنجال غا پہاڑی علاقہ مانہ زیادہ برف پین غی وجہ تیں برف سڑک ور جمع گئی ہے۔ اسی وجہ سنگ سڑک نانہ بند کردتو گیو ہے۔ بی۔آر۔او غی ٹیم خاص مشینان غی مدد تیں دن رات برف نانہ ہٹان غو کم کررئی ہیں۔

CS AYUSH

چیف سیکر پری اٹل ڈلو نے قومی آیوش مشن گے تحت حاصل کی گئی پیش رفت کو جائز و لین۔ واسطے اک جائزہ میٹنگ کی صدارت کی۔ جس ما خدمات کی فراہمی، بنیادی ڈھانچہ کی

تعمیر تے اوٹ ریج اقدامات پر زور دتو گیو جس گو مقصد جموں و کشمیر کا ضلعان مان آیوش-ور بنی صحت کی دیکھ بھال ناں مضبوط بنا نو ہے۔ میٹنگ ما چیف سیکر پڑی -ناں دسیو گیو جے یو ٹی ماں تمام 523 آیوشمان آروگیہ مندر، آیوش) (31 مارچ 2025 تیں مکمل طور کم کر رہیا ہیں۔ یہ مراکز آیوش گا اصولاں تے طریقاں ور مبنی آیوش پہلائی بہتری تے مریضاں کی دیکھ بھال کی خدمات کی اک وسیع رینج فراہم کر رہیا ہیں۔

HIGHWAY WINTER ATTRACTION

تازہ برفباری غے بعد بہدرواہ پٹھانکوٹ شاہراہ سیال مانہہ اک بڑی کشش غا طور ور اُبھر غے باندے آئی ہے۔ جت سیلانیاں غی بڑی تعداد مانہہ آمد غو سلسلو جاری ہے سیلانی برف سنگ ٹکیا وا پہاڑاں تے رستہ غا منظر تیں لطف اندوز ہو رہیا ہیں۔ سخت سردی غے باوجود سیلانیاں غی حفاظت تے بہتر آمدرفت غی خاطر پولیس غا ایس۔ او۔ جی دستہ تعینات کیا گیا ہیں۔ اس بارے گل کرتا واں حُکام نے اس طرح کہیو۔

اسے دوران مقامی دُکاندار تے پھیری غا کاروبار سنگ منسلک افراد غی طرفوں سیلانیاں غی مہمان نوازی غو سلسلو وی جاری ہے برف تے پُرسکون موسم ،سیلانیاں غو بہدرواہ علاقہ مانہہ اک یاد گار خیر مقدم کر رہیو ہے۔ اپنی خوشی غو اظہار کرتا واں مقامی دُکاندار تے ایک سیاح نے اس طرح کہیو۔

WORLD HINDI DAY

اج عالمی یوم ہندی منایو جارہیو ہے یوہ دن ہر سال اس مقصد غے نال منایو جے کہ بیرون ملک مانہہ ہندی زبان نانہہ فروغ مل سکے، اس غو مقصد بین العوامی سطح ور ہندی غا استعمال نانہہ بدھاتو ہے جسراں کہ سفارت کاری، تعلیم تے ثقافتی تبادلہ مانہہ اس غو استعمال۔ لیفتینٹ گورنر منوج سنہا نے وی اس موقع ور لوکاں نانہہ مبارک باد دتی۔

CANALS CLOSED

آپاشی تے سیلاب کنٹرول محکمہ نے جموں صوبہ غی تمام بڑی نہراں تے ان غی تقسیم غا نظام نانہہ بند کرن غو حکم دتو ہے۔ چیف انجنیر آئی اینڈ ایف سی محکمہ، انجنیر منوج گپتا غا جاری کردی حکم غے مطابق رنہیر نہر، نوی پرتاپ نہر، کٹھوعہ نہر تے ان غا تقسیم غو نظام 15 جنوری 2026 تیں سالانہ صفائی تے دیگر کماں واسطے بند رے غو۔ ان نہراں نانہہ دوبارہ کھولن غی تاریخ بعد مانہہ الگ تیں دسی جیں غی۔ تمام متعلقہ سپر ٹنڈنگ انجنیریاں نانہہ ہدایت دتی گئی ہے کہ نہراں نانہہ کھولن تیں پہلاں تمام کماں نانہہ مکمل کریں۔

WONDER PARK

بھگوتی نگر جموں مانہہ اک ونڈر پارک تعمیر کیو جارہیو ہے جت فرانس گا ایفل ٹاور آگری غا تاج محل تے گجرات گا اتحاد گا مجسمہ سمیت دنیا غی مشہور 14 یاد گاراں غی نقل نمائش واسطے رکھی جائیں غی جموں سمارٹ سٹی پروجیکٹ غے تحت کیداد ناتھ مندر تے وائیٹ ہاوس کی نقل بھی اس پارک غو حصو وین غی

یوہ پارک شری امرناتھ یاترا گا بُنیادی کیمپ یاتری نواس تین صرف 400 میٹر گا چھنڈا ور تعمیر ہو رہیو ہے امید ہے جے اس سال مارچ اپریل توڑی یوہ پارک بن غے تیار ہو جے گو تے اس غی لاگت تقریباً 9 کروڑ روپیا ہے اس بارے مزید جانکاری دیتا وں کمشنر میونسپل کارپوریشن دیوانش یادو نے اس طرح کہیو۔

BSF

بھیڑ پالن محکمہ رام نے ضلع رام بن مانہہ بھیڑاں تے بکریاں ناں ٹینینٹس ، اینٹرو ٹوکسمیا گا عام انفیکشن نمونیا کھراں تے منہ غی بیماری تیں بچاں واسطے بھیڑاں ناں ٹیکہ لان غی مہم شروع کی ہے اس مہم غے دوران بھیڑاں گا للوٹاں ناں بپنیادی ٹیکہ لان ور خاص توجہ دتی جارئی ہے تے للوٹاں غی پیدائش تیں پہلاں خطرہ تے غیر فال قوت مداضعت واسطے ٹیکہ کاری پر مبنی شیڈیول گو استعمال کرتا وں محکمہ نے بچلی سطح ور کساناں ناں متحرک کرن تے مال چوکگر گی بیماریاں تے احتیاطی تدبیراں گا بارہ مانہہ بیدادی کرن واسطے ضیلٹ عملہ ناں مقرر کیو ہے اس بارے مزید جانکاری دیتا وں دسترکٹ شیپ بزنڈری آفیسر ڈاکٹر شبیر احمد خان نے اس طرح کہیو۔

SHEEP HUSBANDRY

بی ایس ایف جموں نے سرحدی علاقاں گا اسکولی بچاں واسطے 5 جنوری تیں 10 جنوری توڑی بھارت درشن دورہ غو اہتمام کیو جس گو مقصد قومی یکجہتی خُب الوطنی تے بیدادی ناں بابدو دینوتھو اس دورہ غے دوران لگ بھگ 35 بچاں نے امرتسر دہلی تے جے پور مانہہ خاس یاد گاراں تے تاریخی مقامات ناہہ دیکھیو تے بھارت گا بھر پور ورثہ تاریخ تے قومی اداراں گو مشاہدو کیو۔

COSCO CRICKET

جموں مانہہ 15 تیں 18 جنوری 2026 توڑی گاندھی نگر غا گرین فیلڈ گراونڈ مانہہ 10 ٹی کاسکو کرکٹ ٹورنامنٹ منعقد کی جے غی۔ اس ٹورنامنٹ غو اہتمام جے اینڈ کے ویٹرنز اسپورٹس کلب نے کیوتے اس ناہہ جموں کشمیر اسپورٹس کونسل غی حمایت حاصل ہے۔ اس تیز رفتار ٹورنامنٹ مانہہ 8 ٹیم چیمپین شپ ٹائٹل واسطے مقابلو کریں غی۔ اس تقریب غو مقصد نچلی سطح ور کرکٹ ناہہ فروغ دینو ہے تے نوجواناں ناہہ کھیڈاں مانہہ حصو لین غی ترغیب دینو ہے۔ یوہ پروگرام مرکزی زیر انتظام علاقہ مانہہ کھیڈاں غی ثقافت ناہہ مضبوط بنان غی ایک کوشش غو حصو ہے۔ کھیڈ سب واسطے، موضوع غے تحت یاہ ٹورنامنٹ لوکاں ناہہ کھیڈ، صحت تے ٹیم ورک غی طرف راغب کرن غو پیغام دے، ٹورنامنٹ بارے گل کرتا وں ویر ہاؤس ٹریڈر فیڈریشن غا صدر دیپک گپتا نے اس طرح کہیو۔

WEATHER

محکمہ موسمیات نے اج کہتوں کہٹ درجہ حرارت مانہہ مزید گراوٹ غی پیشن گوئی کی ہے جد کہ آئیندہ دنان مانہہ اس درجہ حرارت مانہہ البتہ 1 تیں 2 ڈگری سلسیش توڑی غا سدھار غی امید ہے۔ محکمہ غی طرفوں آئیندہ 21 جنوری توڑی جموں کشمیر مانہہ کسے خاص موسمی سرگرمی غی توقع ظاہر نہیں کی ہے۔ البتہ آئیندہ

4، 5 روز غے بشکار جموں صوبہ غا کُج اک جگہاں ور تھند غی اُمید ہے جس
نال نظر غی صلاحیت متاثر ہون غی وجہ نال ٹریفک ور اثر پے سکے، عہدیداراں
نے سفر شروع کرن غی صورت ماہہ احتیاط برتن تے گڈی چلاتاں واں ضروری
احتیاطی اقدامات برتن بارے کہیو ہے۔ اس بارے مزید گل کرتا واں محکمہ موسمیات
غا افسر مختار احمد نے اس طرح کہیو۔
